

KEV PAB CUAM RAU KEV POOB HAUJ LWM THAUM LUB CAIJ MUAJ TUS KAB MOB SIB KIS

KEV PAB CUAM RAU KEV POOB HAUJ LWM THAUM LUB CAIJ MUAJ TUS KAB MOB SIB KIS YOG DAB TSI?

KeV Pab Cuam Rau KeV Poob Hauj Lwm Thaum Lub Caij Muaj Tus Kab Mob Sib Kis (PUA) muaj kev pab nyiaj ib ntus rau cov neeg ua hauj lwm (suav nrog cov neeg ua hauj lwm nws tus kheej, cov neeg twv hauj lwm los ua thiab cov neeg ua hauj lwm rau ntau lub lag luam) uas lawv tau poob hauj lwm uas vim tus kab mob COVID-19. Feem ntau kev pab yuav muaj pab nyiaj rau cov neeg poob hauj lwm mus txog 39 lub lim piam.

Lub Peb Hlis Ntuj Tim 27, 2020, Tus Thawj Nom Teb Chaws tau kos npe rau tsab kev cai lij choj ntawm KeV Pab Cuam Rau Tus Kab Mob Sib Kis (Coronavirus Aid), thiab Txoj Cai KeV Pab Daws KeV Txom Nyem (CARES) xyoo 2020. Nqe cai ntawm 2102 hauv Txoj Cai CARES tsim cov kev pab uas yog PUA. Tsoov Fwv Lub Chaw Hauj Lwm Saib Xyuas KeV Ua Hauj Lwm yog saib xyuas keb pab ntawm PUA thiab them cov nyiaj rau cov Xeev uas tau siv dag zog thiab tau siv nyiaj los pab cov neeg poob hauj lwm. Yog xav paub ntau ntxiv txog kev pab ntawm PUA, thov saib Daim Ntawv Qhia Txog KeV Pab Poob Hauj Lwm ([UIPL No. 16-20](#)).

YUAV UA LI CAS KUV THIAJ TAU TXAIS KEV PAB?

Cov neeg tau kev pab ntawm PUA	Cov neeg tsis tau kev pab ntawm PUA
<ul style="list-style-type: none"> • Cov tib neeg tsis muaj cai tau txais rau, los sis tus uas twb tau txais kev pab lawm es tsis muaj feem ntxiv tau txais, kev them nyiaj poob hauj lwm los sis cov nyiaj pab ncuam ntxiv raws txoj kev cai lij choj nyob hauv lub xeev los sis tsoom fwv qib siab KeV Pab Poob Hauj Lwm Ntawm Tus Kab Mob Sib Kis (PEUC) • Cov neeg ua hauj lwm rau nws tus kheej (suav nrog cov neeg twv hauj lwm los ua thiab cov neeg ua hauj lwm rau ntau lub lag luam) • Cov neeg nrhiav ua hauj lwm ib nrab sij hawm. <p>Cov neeg uas tsis tau ua hauj lwm ntev txaus kom tsim nyog tau txais nyiaj poob hauj lwm.</p>	<ul style="list-style-type: none"> • Cov neeg muaj feem coj cov hauj lwm mus ua tom tsev uas tseem tau txais kev them nyiaj • Cov neeg tau txais nyiaj so hauj lwm (xws li, tau txais nyiaj so hauj lwm mus so thaum muaj mob) <p>Cov lus nco tseg: <i>Koj kuj yuav tau txais kev pab yog tias koj ua hauj lwm xwab moos tsawg ua ntej thaum muaj tus kab mob sib kis, txawm tias koj tau txais cov nyiaj ua hauj lwm uas yog coj cov hauj lwm mus ua tom tsev los sis tau txais kev them nyiaj pab rau cov xwab moos tsawg ua hauj lwm. Yog li ntawd, koj yuav tau kev pab ntawm PUA cov nyiaj pab them rau kev poob hauj lwm uas yog rho tawm qhov nyiaj koj tau txais los ntawm txoj hauj lwm, raws li nqe cai hauv 20 CFR 625.13.</i></p>

Raws li txoj cai, PUA yuav pab cov neeg uas kam ua hauj lwm, thiab npaj tau tos ua hauj lwm, raws li kev tau taub los ntawm koj lub xeev txoj cai them nyiaj pab kev poob hauj lwm, tsuas yog koj poob hauj lwm, poob ib nrab hauj lwm, los sis tsis muaj peev xwm ua hauj lwm raws cov xwm txheej no:

- Koj tau ntsib kws kho mob es kuaj muaj tus kab mob COVID-19 los sis tab tom muaj tus mob zoo xws li tus mob COVID-19 thiab tab tom mus cuag kws kho mob;
- Ib tug neeg hauv koj tsev tau kuaj muaj tus kab mob COVID-19;
- Koj tu ib tus neeg hauv tsev uas muaj tus kab mob COVID-19;
- Koj yuav tsum tau saib xyuas ib tus me nyuam los sis lwm tus neeg hauv koj tsev uas koj yog tus yuav tau saib xyuas vim tias tsev kawm ntawv los sis chaw zov me nyuam raug kaw lawm vim tus kab mob COVID-19, uas ua rau koj tsis tuaj yeem mus ua tau txoj hauj lwm;

- Koj tsis tuaj yeem mus txog koj qhov chaw ua hauj lwm vim tias tsoom fww txwv kom nyob tsev vim tus kab mob COVID-19;
- Koj tsis tuaj yeem mus txog koj qhov chaw ua hauj lwm vim tias koj tus kws kho mob tau qhia koj kom cais tus kheej nyob hauv tsev vim tus kab mob COVID-19;
- Koj tau npaj mus pib ua hauj lwm thiab koj ho tsis muaj hauj lwm lawm los sis tsis ncav txoj hauj lwm vim kev cuam tshuam ntawm tus kab mob COVID-19;
- Koj tau los ua tus neeg nrhiav noj nrhiav haus rau tsev neeg los sis pab txhawb nqa rau koj tsev neeg vim tias tus thawj hauv tsev tau tag sim neej vim kev tshwm yim los ntawm tus COVID-19;
- Koj yuav tsum tau tawm koj txoj hauj lwm vim kev cuam tshuam ntawm tus kab mob COVID-19;
- Koj qhov chaw ua hauj lwm raug kaw vim kev cuam tshuam ntawm tus kab mob COVID-19; los sis
- Koj twv hauj lwm ua xwb thiab tus kab mob COVID-19 tau txiav kev los ua cov hauj lwm koj ib txwm muaj, yuam kom koj ncu cov hauj lwm ntawd.

Cov Cai Kev Pab Nyiaj Rau Kev Puas Tsuj Ntawm Kev Poob Hauj Lwm ([20 CFR Ntu 625](#)) siv pab cuam PUA, tsuas yog hais tseg hauv nqe 2102 ntawm txoj cai CARES, los sis raws li muaj kev tsis sib haum xeeb ntawm nqe 2102 thiab 20 CFR Ntu 625.

KUV YUAV THOV KEV PAB LI CAS?

Kev yuav tau kev pab ntawm PUA, koj yuav tsum ua cov ntaub ntawv thov kev pab hauv lub xeev uas koj ua hauj lwm los sis koj ua cov lag luam. Xav nrhiav kev pab hauv koj lub xeev thiab xav paub yuav ua li cas thiaj tau kev pab thiab yuav mus thov qhov twg, mus ntsib Lub Chaw Muab Kev Pab Cuam Rau Kev Poob Hauj Lwm. Thaum koj ua ntawv thov, lub xeev cov chaw pab yuav xav tau cov ntaub ntawv xws li chaw nyob thiab hnuv pib hnuv tsis ua hauj lwm, cov ntaub ntawv uas koj them koj tus kheej. Yuav kom txhob ncu sij hawm, muab cov ntaub ntawv ua kom tiav thiab muaj tseeb, tshwj xeeb yog vim li cas koj thiaj poob hauj lwm, poob hauj lwm ib nrab los sis ua tsis taus txoj hauj lwm vim tus kab mob COVID-19.

KUV PUAS YUAV TSUM TAU UA DAIM NTAWV THOV KEV PAB TXUAS NTXIV?

Koj yuav tau ua daim ntawv thov kev pab nyiaj txhua txhua ib lub lim piam los sis txhua ob lub lim piam rau PUA cov nyiaj pab raws li cov kev ua ntaub ntawv hauv lub xeev.

KUV PUAS NPAJ COV NTAWV POV THAWJ UA HAUJ LWM?

Koj yuav tsum muab cov ntaub ntawv pov thawj (xwv li, cov tw tshev tau txais nyiaj ua hauj lwm, ntaub ntawv ua se, cov ntawv qhia nyiaj hauv tuam txhab cia nyiaj, ntawv los qhia koj tau hauj lwm) kom ua pov thawj tias koj ua hauj lwm los sis ua hauj lwm rau koj tus kheej uas tau cuam tshuam los ntawm tus kab mob COVID-19 los sis ua pov thawj txog txoj hauj lwm uas yuav pib los sis pib tom qab tus kab mob COVID-19 tau pib ua teeb meem rau koj poob hauj lwm. Koj yuav tsum ua raws li cov ntaub ntawv hauv lus xeev thaum koj xa cov ntaub ntawv mus thov kev pab.

KUV PUAS YUAV TAU TXAIS KEV PAB \$600 LOS NTAWV TSOOM FWW QIB SIAB COV KEV PAB NYIAJ RAU KEV POOB HAUJ LWM NTAWV TUS KAB MOB SIB KIS?

Yog tias koj tsim nyog tau txais cov nyiaj pab ntawm PUA rau ib lub lim piam, koj yuav tau txais cov nyiaj \$600 ntxiv ntawm Tsoom Fww Qib Siab Cov Kev Pab Poob Hauj Lwm Los Ntawm Tus Kab Mob



Sib Kis (FPUC). FPUC tsuas them nyiaj cov lim piam uas poob hauj lwm yog pib txiv hnuv lub xeev tau cog lus FPUC nrog rau tsoom fwv Lub Chawj Ua Hauj Lwm Saib Xyuas Neeg Ua Hauj Lwm. FPUC tsis them nyiaj poob hauj lwm tom qab Lub Xya Hlis Ntuj Tim 31, 2020. Yog xav paub ntau ntxiv, thov mus saib [UIPL No. 15-20](#).

KUV YUAV TAU TXAIS COV NYIAJ PAB LOS NTAWM PUA NTEV NPAUM LI CAS THIAB NTAU NPAUM LI CAS?

PUA yuav them rov qab rau cov neeg tsim nyog tau txais nyiaj poob hauj lwm rau cov lim piam poob hauj lwm uas yog pib Lub Ib Hlis Ntuj Tim 27, 2020, thiab mus txog lub Kaum Ob Hlis Ntuj Tim 31, 2020. Koj tuaj yeem tau txais nyiaj poob hauj lwm los ntawm PUA ntev txog li 39 lub lim piam. Koj cov nyiaj poob hauj lwm ntawm PUA txhua lub lim piam yog laij raws li cov cai tau teev tseg hauv 20 CFR 625.6 thiab nce ntxiv \$600 FPUC kev them nyiaj. Yog tias koj ua hauj lwm rau koj tus kheej los sis tsis tau ua hauj lwm ntev tsaus kom tsim nyog tau txais nyiaj them pab rau kev poob hauj lwm thiab koj cov nyiaj lub xyoo dhau los uas koj tau ua se yuav ua rau cov nyiaj poob tsawg dua qhov qis kawg rau ib lub lim piam ntawm Kev Pab Nyiaj Rau Kev Puas Tsua Kev Poob Hauj Lwm UIPL No. 03 -20, koj cov nyiaj pab poob hauj lwm rau ib lim piam yuav yog qhov tsawg kawg nkaus nyob hauv UIPL.

KUV YUAV UA LI CAS YOG TIAS KUV XA NTAUB NTAWV THOV LAWM ES LAWM TSIS KAM MUAB NYIAJ POOB HAUJ LWM RAU KUV?

Koj muaj cai mus sib hais txuas ntxiv uas yog vim li cas koj ho tsis tau txais nyiaj poob hauj lwm ntawm PUA uas yog raws cov lus qhia hauv Lub Xeev ntawm daim ntawv qhia tias koj tsis tau txais kev pab poob hauj lwm.

